

# GJALDSKRÁ

fyrir íslenskar hafnir.

## I. KAFLI

### Gildissvið.

1. gr.

Gjaldskrá þessi gildir fyrir allar hafnir sem hafnalög ná til.

## II. KAFLI

### Um hafnargjöld.

2. gr.

Við útreikning hafnargjalda af skipum skal alltaf talið í heilum rúmlestum en sleppa brotum. Rúmlestatala skips reiknast eins og hún er mest skráð á mælibréf skips.

3. gr.

Af öllum skipum skal greiða hafnargjöld til hafnarsjóðs ef þau koma inn fyrir takmörk hafnarinnar.

### Lestagjöld.

4. gr.

Af öllum skipum skal greiða lestagjald, kr. 2,70 á brúttórúmlest. Af innlendum fiskiskipum þó ekki oftast en tvisvar í mánuði.

Af strandferðaskipum skal greiða hálflestagjald.

Undanþegin greiðslu lestagjalds eru herskip, varðskip og skip, sem gerð eru út til vísindalegra rannsókna, svo og skip sem leita hafnar vegna sjóskaða eða til að láta í land sjúka menn eða látna, svo fremi þau hljóti ekki aðra þjónustu.

### Bryggjugjöld.

5. gr.

Af öllum skipum sem leggjast við bryggju eða hafnarbakka skal greiða kr. 1,35 á brúttórúmlest fyrir hvern sólarhring eða hluta úr sólarhring sem skipið liggur bundið.

Fiskiskip greiða þetta gjald eigi oftast en 10 sinnum í mánuði.

Heimilt er að taka lesta- og bryggjugjald af fiskiskipum í heimahöfn sem ársfjórðungsgjald kr. 56,70 á brúttórúmlest þó aldrei minna en  $\frac{1}{4}$  af árlegu legugjaldi fyrir trillur.

Legugjald fyrir trillur (skemmtibáta) ákveðst af hafnarstjórn sbr. 11. gr. hafnalaga 1. tl. e.

Skip þau er getur í síðustu mgr. 4. gr. eru undanþegin bryggjugjaldi.

### Vörugjöld.

6. gr.

Vörugjald skal greiða af öllum vörum sem fluttar eru af skipsfjöl á land eða úr landi á skipsfjöl, eða úr einu skipi í annað, innan takmarka hafnarinnar, þó með þeim undantekningum, er síðar getur.

## 7. gr.

Fyrir vörur sem samkvæmt farmskrá skips eru ákveðnar til annarrar hafnar, innlendar eða erlendar, en eru látnar á land um stundarsakir, skal aðeins greitt vörugjald þegar vörurnar eru fluttar í land.

Undanþegnar þessu gjaldi eru vörur sem látnar eru á land um stundarsakir vegna skemmda á skipi.

## 8. gr.

Af vörum sem fluttar eru á skip og fara eiga til annarra hafna innanlands greiðist hálfvörugjald.

## 9. gr.

Um vörugjald af flutningi ferjuskipa skal semja við ferjueiganda sem innheimtir gjaldið ásamt flutningsgjaldi og stendur skil á því til hafnarinnar.

## 10. gr.

Þessar vörur eru algjörlega undanþegnar vörugjaldi:

- a) Umbúðir sem endursendar eru.
- b) Kol, olía, vistir og aðrar nauðsynjar skipa til eigin notkunar.

## 11. gr.

Vörugjald skal reikna eftir þyngd eða verðmæti, með umbúðum og af hverri sendingu sérstaklega.

Fara skal eftir farmskrá skipa við útreikning vörugjalds. Skipstjóra eða afgreiðslumanni skips er skylt að láta gjaldkera hafnarinnar í té eftirrit af farmskrá.

Sé engri farmskrá til að dreifa skal skipstjóri gefa drengskaparvottorð um vörumagn sem fermt hefur verið eða affermt úr skipi hans. Þyki hafnarstjóra ástæða til getur hann hvenær sem er látið ákveða vörumagnið á þann hátt sem hann telur hentugast. Reynist vörumagnið vera meira en upp er gefið greiðir farmeigandi kostnaðinn.

Séu fleiri en ein vörutegund í sendingu ósundurliðað skal reikna vörugjaldið eftir þeirri tegund sem hæst gjald skal greiða af.

## 12. gr.

Vörur skal flokka til vörugjalds eftir því sem vörugjaldskrá tiltekur og gjaldið greiðist eins og þar segir:

**Vörugjaldskrá.**

1. fl.: Gjald kr. 45,35 pr. tonn:

Vara flutt í lausu máli í miklu magni, meira en 100 tonn í farmi, t. d. bensín, brennsluolíur, kol, laust korn, salt, vikur, sement.

2. fl.: Gjald kr. 95,30 pr. tonn:

Pungavarningur, svo sem sekkjavörur, óunnið járn og stál, útgerðarvörur, smurningsolíur, sjávararafurðir, landbúnaðarafurðir, iðnaðar- og byggingavörur, pökkuð og niðursoðin matvæli, ávextir.

3. fl.: Gjald 262,45 pr. tonn:

- a. Vélar og tæki hverskonar og varahlutir til þeirra, svo sem heimilis- og skrifstofuvél- ar, bifreiðar, bifhjól, reiðhjól, hjólbarðar, bátar, flugvélar, hreyflar, mælitæki, húsbúnaður, vefnaðarvara, fatnaður.
- b. Útvarps- og sjónvarpstæki, hljóðfæri, úr klukkur, myndavélar, sjónaukar, glysvarn- ingur alls konar, vín, tóbak, sælgæti, snyrtivörur, lyf.
- c. Vörur sem ekki verða flokkaðar annars staðar eftir þyngd.

Af innflutningi vinnutækja innanlands skal veita allt að 50% afslátt. Vörugjald greiðist ekki af ferðamannabifreiðum, enda ferðist eigendur með sama skipi.

4. fl.: Gjald 0,85%

Sjávarafli lagður á land á hafnarsvæðinu til vinnslu eða brottflutnings. Gjaldið reiknast af heildarverðmæti aflans. Gjald af frystum afla frystitogara reiknast af helmingi fob verðs. Gjald af saltfiski reiknast miðað við tvöfalda þyngd og gjald af gámafiski reiknast af áætluðu heildarverðmæti hvoru tveggja miðað við 1. fl. fisk. Kaupanda aflans ber að afhenda hafnarstjóra skýrslu um keyptan afla mánaðarlega, t. d. afrit af aflaskýrslu til Fiskifélags Íslands. Aflagjald fellur í gjalddaga um leið og afla er landað. Kaupandi aflans innheimtir gjaldið hjá seljanda og er ábyrgur fyrir því til hafnarsjóðs þótt hann vanræki innheimtu þess. Standa ber skil á greiðslu aflagjalds eigi sjaldnar en mánaðarlega.

Lágmarksgjald í öllum flokkum er kr. 24,50.

13. gr.

Hafnarstjórn ákveður gjöld samkvæmt 11. gr. hafnalaga l. tl. c, d og e og 3., 4. og 5. tl.

### III. KAFLI

#### Um innheimtu og greiðslu hafnargjalda.

14. gr.

Hafnarstjóri sér um innheimtu allra hafnargjalda og skal greiða gjöldin á skrifstofu hafnarinnar.

Séu gjöldin ekki greidd á réttum gjalddögum er heimilt að reikna hæstu lögleyfðu dráttarvexti á skuldina.

15. gr.

Skipstjóri og eigandi skips bera ábyrgð á greiðslu gjalda þeirra sem greiða ber til hafnarinnar vegna skipsins. Er skipstjóra skylt að afhenda hafnarstjóra þjóðernis- og skrásetningarskírteini skipsins, ef hafnarstjóri krefst þess, og hefur hafnarsjóður haldsrétt yfir skírteinunum uns gjöld eru greidd. Töf og tjón sem af þessu hlýst er einvörðungu á ábyrgð og kostnað greiðanda skipagjaldsins.

Að svo miklu leyti sem í reglugerð þessari eru ekki ákveðnir fastir gjalddagar á gjöldum skal greiða þau áður en skip fer burt úr höfninni og enginn skipstjóri getur vænst þess að fá afgreiðslu fyrir skip sitt hjá bæjarfógeta eða tollstjóra, nema hann sanni með vottorði frá hafnarstjóra að hann hafi greitt öll gjöld sín til hafnarinnar.

## 16. gr.

Vörugjald greiðir móttakandi af vörum sem koma til hafnarinnar og sendandi af vörum sem fluttar eru úr höfninni. Ef margir eiga vörur sem fluttar eru með sama skipi skal afgreiðslumaður skipsins standa hafnarsjóði skil á greiðslum. Ef skip hefur ekki farm sinn skráðan ber skipstjóri ábyrgð á greiðslu vörugjaldsins.

Ef vörur eru fluttar úr einu skipi í annað greiðir sá vörugjaldið sem affermir.

Vörugjald af vörum sem koma til hafnarinnar fellur í gjalddaga þegar skipið sem vörurnar flytur er komið í höfnina og vörugjald af vörum sem fluttar eru úr höfninni fellur í gjalddaga þegar vörurnar eru komnar á skip. Skipstjóra og afgreiðslumanni skips er óheimilt að afhenda vörurnar fyrr en gjaldið er greitt. Hafnarsjóður hefur haldsrétt í skráningar- og þjóðernisskráteinum skips til tryggingar gjaldinu. Aflagjald og vörugjald af útflutningi skal auk þess tryggt með veði í útflutningsbirgðum þess aðila er skuldar gjöldin.

## 17. gr.

Öll gjöld samkvæmt þessari reglugerð má taka lögtaki og hafa þau forgangsrétt sem önnur opinber gjöld sbr. 83. gr. b., 3. tölulið skiptalaganna. Auk þess eru skipagjöldin tryggð með lögveði í skipinu og gengur það veð í tvö ár fyrir sammingsveðskuldum sbr. ákvæði 12. gr. hafnalaga.

## IV. KAFLI

**Frávik og gildistaka.**

## 18. gr.

Prátt fyrir ákvæði 12. gr. um vörugjaldskrá 4. fl. skal aflagjald fyrir Bolungarvíkurhöfn vera, 1,275%.

## 19. gr.

Ef sérstakar ástæður eru fyrir hendi getur ráðherra heimilað einstökum hafnarstjórum frávik frá gjaldskrá þessari.

Ef hafnarstjórn óskar frávika frá gjaldskrá þessari skal hún senda hafnaráði rökstudda beiðni þar að lútandi. Hafnaráð leggur síðan tillögur sínar fyrir ráðherra sem ákveður hvort frávik skuli leyfð.

## 20. gr.

Gjaldskrá þessi sem sett er samkvæmt hafnalögum, nr 69 28. maí 1984, staðfestist hér með til að öðlast þegar gildi og birtist til eftirbreytni öllum þeim sem hlut eiga að máli. Jafnframt falla úr gildi eftirtaldar gjaldskrár fyrir einstakar hafnir: nr. 108/1975, sbr. nr. 61/1977, nr. 336/1977 og nr. 51/1984, (Reykjavík), nr. 213/1980, sbr. nr. 52/1984, (Grundartangi), nr. 320/1984, (Akranes), nr. 147/1975, sbr. nr. 54/1984, (Borgarnes), nr. 332/1979, sbr. nr. 10/1982, (Arnarstapi), nr. 112/1975, sbr. nr. 56/1984, (Ólafsvík), nr. 136/1975, sbr. nr. 57/1984, (Grundarfjörður), nr. 118/1975, sbr. nr. 58/1984, (Stykkishólmur), nr. 259/1975, sbr. nr. 59/1984, (Reykhólar), nr. 257/1975, (Örlygshöfn við Patreksfjörð), nr. 407/1975, sbr. nr. 60/1984, (Patrekshöfn), nr. 124/1975, sbr. nr. 61/1984, (Táknafjörður), nr. 217/1976, sbr. nr. 62/1984, (Bíldudalur), nr. 179/1976, sbr. nr. 63/1984, (Píngeyri), nr. 134/1975, sbr. nr. 64/1984, (Flateyri), nr. 211/1976, sbr. nr. 65/1984, (Suðureyri), nr. 138/1975, sbr. nr. 66/1984, (Bolungarvík), nr. 151/1975, sbr. nr. 621/1983 og nr. 67/1984, (Ísafjörður), nr. 406/1975, sbr. nr. 68/1984, (Súðavík), nr. 192/1975, sbr. nr. 69/1984,

(Hólmavík), nr. 261/1975, sbr. nr. 70/1984, (Hvammstangi), nr. 263/1975, sbr. nr. 71/1984, (Blönduós), nr. 269/1975, sbr. nr. 72/1984, (Skagaströnd), nr. 265/1975, sbr. nr. 73/1984, (Sauðárkrókur), nr. 194/1975, sbr. nr. 74/1984, (Hofsós), nr. 180/1975, sbr. nr. 75/1984, (Siglufjörður), nr. 213/1976, sbr. nr. 76/1984, (Ólafsfjörður), nr. 132/1975, sbr. nr. 77/1984, (Dalvík), nr. 178/1975, sbr. nr. 78/1984, (Hrísey), nr. 198/1975, sbr. nr. 79/1984, (Akureyri), nr. 70/1981, sbr. nr. 80/1984, (Svalbarðseyri), nr. 99/1979, sbr. nr. 81/1984, (Grenivík), nr. 190/1975, sbr. nr. 82/1984, (Grímsey), nr. 207/1976, sbr. nr. 378/1980, (Tjörnes), nr. 184/1975, sbr. nr. 83/1984, (Húsavík), nr. 166/1977, sbr. nr. 84/1984, (Kópasker), nr. 23/1976, sbr. nr. 85/1984, (Raufarhöfn), nr. 489/1975, sbr. nr. 86/1984, (Pórshöfn), nr. 188/1975, sbr. nr. 87/1984, (Bakkafjörður), nr. 110/1975, sbr. nr. 88/1984, (Vopnafjörður), nr. 126/1975, sbr. nr. 89/1984, (Borgarfjarðarhreppur), nr. 122/1975, sbr. nr. 90/1984, (Seyðisfjörður), nr. 21/1976, sbr. nr. 91/1984, (Neskaupstaður), nr. 149/1975, sbr. nr. 92/1984, (Eskifjörður), nr. 197/1975, sbr. nr. 93/1984, (Reyðarfjörður), nr. 229/1977, nr. 240/1977, sbr. nr. 94/1984, (Búdakaupún), nr. 209/1976, sbr. nr. 95/1984, (Stöðvarfjörður), nr. 140/1975, sbr. nr. 96/1984, (Breiðdalsvík), nr. 215/1976, sbr. nr. 97/1984, (Djúpivogur), nr. 114/1975, sbr. nr. 98/1984, (Hornafjörður), nr. 436/1981, sbr. nr. 99/1984, (Vestmannaeyjar), nr. 182/1975, sbr. nr. 101/1984, (Grindavík), nr. 186/1975, sbr. nr. 102/1984, (Sandgerði), nr. 499/1975, sbr. nr. 104/1984, (Vogar), nr. 116/1975, sbr. nr. 105/1984, (Hafnarfjörður) og auglýsing nr. 54/1985 um hækkun hafnargjaldskráa.

*Samgönguráðuneytið, 20. janúar 1986.*

**Matthías Bjarnason.**

*Ólafur S. Valdimarsson.*

## AUGLÝSING

### um staðfestingu á aðalskipulagi Tálknafjarðar 1985—2005.

Samkvæmt skipulagslögum nr. 19 21. maí 1964 hefur ráðuneytið hinn 2. desember 1985 staðfest uppdrátt af aðalskipulagi Tálknafjarðar 1985—2005.

Uppdrátturinn hefur hlotið þá meðferð sem lög nr. 19/1964 gera ráð fyrir. Hreppsnefnd Tálknafjarðar samþykkt hann og skipulagsstjórn ríkisins mælt með að hann verði staðfestur.

*Félagsmálaráðuneytið, 2. janúar 1986.*

F.h.r.

**Hallgrímur Dalberg.**

*Pórhildur Línadal.*